



## ORDENANZA NÚM. 10

### ORDENANZA FISCAL REGULADORA DA TAXA POR SERVIZOS DE DISTRIBUCIÓN DE AUGA, GAS, ELECTRICIDADE E OUTROS ABASTECEMENTOS PÚBLICOS, INCLUÍDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVIZOS OU SUBMINISTROS SEXAN PRESTADOS POR ENTIDADES LOCAIS

#### **Artigo 1º.-FUNDAMENTO E NATUREZA.**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de Abril, reguladora de Bases de Réxime Local, e de conformidade co disposto nos artigos 15 a 19 da Lei 39/1988, de 28 de Decembro, reguladora das Facendas Locais, este concello establece a **Taxa por servizos de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servizos ou subministros sexan prestados por entidades locais.**

#### **Artigo 2º.-FEITO IMPOÑIBLE.**

Constitúe o feito impoñible desta taxa a prestación de servizos de distribución de auga, gas, electricidade e outros abastecementos públicos incluídos os dereitos de enganche e liñas e colocación e utilización de contadores e instalacións análogas.

#### **Artigo 3º.-SUXEITO PASIVO**

1.- Serán suxeitos pasivos desta taxa as persoas físicas ou xurídicas e as entidades ás que fai referencia o artigo 33 da Lei Xeral Tributaria, que ocupen ou utilicen as vivendas e locais situados nos lugares, prazas, rúas ou vías públicas nas que se preste o servizo, xa sexa a título de propietario ou de usufrutuario, habitacionista, arrendatario ou incluso precario.

2.- Terán a consideración de suxeitos pasivos substitutos do contribuinte os propietarios das vivendas ou locais que poderán repercutir, no seu caso, as cotas satisfeitas sobre os usuarios daquelas, beneficiarios do servizo.

#### **Artigo 4º.-RESPONSABLES**

-Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 38.1 e 39 da Lei Xeral Tributaria.

-Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos que sinala o artigo 40 da Lei Xeral Tributaria.

#### **Artigo 5º.-COTA TRIBUTARIA**

A cota desta taxa será a que figura no anexo desta Ordenanza.

#### **Artigo 6º.-BENEFICIOS FISCAIS**

Só se admitirán os beneficiarios que veñan establecidos nas normas con rango de lei ou deriven de tratados ou acordos internacionais.

#### **Artigo 7º.-PERCEPCIÓN**



- a) Cando se trate de servizos non periódicos:  
Percíbese a taxa e nace a obriga de contribuír cando se presente a solicitude de prestación do servizo ou actividade.
- b) Cando se trate de servizos periódicos:  
Percíbese a Taxa e nace a obriga de contribuír o primeiro día de cada ano natural, excepto no momento da alta no padrón, caso no que se percibirán a partir dese mesmo momento.

#### **Artigo 8º.-LIQUIDACIÓN.**

- a) Cando se trate de servizos non periódicos
- Cando se trate de servizos ou actividades cunha liquidación que se poida cuantificar no momento de presentar a solicitude de prestación, liquidarase nese mesmo momento ou nun momento posterior, pero sempre antes de prestar o servizo ou de realizar a actividade.
  - Cando se trate de servizos ou actividades cunha liquidación que non se poida cuantificar no momento de presentar a solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade.
  - Se se realizase a prestación do servizo ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación do contraído previo, sen prexuízo de abrir o oportuno expediente sancionador por infracción tributaria.
- b) Cando se trate de servizos periódicos
- Practicarase a liquidación única anual ou coa periodicidade que se determine nas tarifas desta .

#### **Artigo 9º.-INGRESO.**

- O pagamento desta taxa realizarase:
- Cando se trate de liquidacións cunha cuantificación que se poida efectuar antes de prestar o servizo ou de levar a cabo a actividade, realizarase o ingreso antes da prestación do servizo ou da realización da actividade na Tesourería municipal ou nas entidades financeiras que se sinalen na liquidación.
  - Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.
  - Cando se trate de liquidacións periódicas, nos prazos e nos lugares que se sinalen no edicto de exposición ao público.

#### **Artigo 10º.-INFRACCIÓN E SANCIÓN**

Nesta materia estarase ao disposto na Lei Xeral Tributaria e normativa de desenvolvemento.

#### **Artigo 11º.-NORMAS DE XESTIÓN**

- As persoas ou entidades interesadas na prestación dos servizos que se citan no artigo segundo desta ordenanza, deberán presentar solicitude por escrito na que se detalle o lugar para o que se solicite e demais requisitos que esixa cada concello.
- Unha vez autorizada a prestación do servizo, entenderase prorrogado mentres non se presente a declaración de baixa polo interesado, a non ser que se trate de servizos non periódicos.
- Cando remate a necesidade do servizo, por cambio de propietario ou declaración de ruína do inmovible, os suxeitos substitutos do contribuínte formularán as declaracións de baixa no padrón da taxas e surtirá efectos no período natural seguinte ao da súa presentación, podendo, no seu caso, prorratearse polo período de liquidación das tarifas. A non presentación de baixa determinará a obriga de continuar aboando a taxa.



## DISPOSICIÓN ADICIONAL ÚNICA.

Cando existan os convenios de colaboración aos que fai referencia o artigo 27.2 da Lei 39/88, de 28 de Decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

## DISPOSICIÓN FINAL.

A presente ordenanza fiscal, cunha redacción definitiva aprobada polo Pleno da Corporación na sesión de data 1 de Outubro de 1998, entrará en vigor o día 1 de xaneiro de 1999.

### ANEXO

#### **1.CADRO DE TARIFAS**

##### 1.1 TARIFA POLO SUBMINISTRO DE AUGA

###### USOS DOMESTICOS:

- Mínimo, ata 10 m <sup>3</sup> /mes .....	0,325 Euros/m <sup>3</sup> .
- De 10 m <sup>3</sup> .a 30 m <sup>3</sup> /mes .....	0,426 Euros/m <sup>3</sup> .
- Máis de 30 m <sup>3</sup> /mes .....	0,517 Euros/m <sup>3</sup> .
- Cota de servizo .....	3,237 Euros/mes

###### USOS COMERCIAIS:

- Mínimo, ata 15 m <sup>3</sup> /mes .....	0,369 Euros/m <sup>3</sup> .
- Máis de 15 m <sup>3</sup> /mes .....	0,571 Euros/m <sup>3</sup> .
- Cota de servizo .....	5,577 Euros/mes

###### USOS INDUSTRIAIS (Industrias, restaurantes, bares e supermercados)

- Mínimo, ata 25 m <sup>3</sup> /mes .....	0,369 Euros/m <sup>3</sup> .
- Máis de 25 m <sup>3</sup> /mes .....	0,571 Euros/m <sup>3</sup> .
- Cota de servizo .....	6,069 Euros/mes

###### USO DE OBRAS:

- Ata 50 m <sup>3</sup> .....	0,426 Euros/m <sup>3</sup> .
- Máis de 50 m <sup>3</sup> .....	0,639 Euros/m <sup>3</sup> .
- Cota de servizo .....	7,906 Euros/mes

A facturación farase por trimestres, facturándoselle ás vivendas un mínimo de 30 m<sup>3</sup>; comerciais, 45 m<sup>3</sup>.; industriais, 75 m<sup>3</sup>. e obras, 150 m<sup>3</sup>.

A partir de 1.200 m<sup>3</sup>. de consumo anual, poderase facturar mensualmente, sempre que sexa solicitado polo usuario.

Os subministros que non posexan contador, facturaráselle un mínimo de 100 m<sup>3</sup>. para usos domésticos e comerciais e 250 m<sup>3</sup>. para industrias e obras.

##### 1.2. TARIFA POLA AUTORIZACION DE CONEXION

Por cada cota de conexión 35,48 Euros, aboada por unha soa vez.

##### 1.3. TARIFA DE REENGANCHE POR CORTE DE SUBMINISTRO

A tarifa de reenganche por corte de subministro fíxase en 40,81 Euros máis IVE.



## 2. PREZO DE ACOMETIDAS DE AGUA POTABLE E INSTALACION DE CONTADORES

### 2.1 ACOMETIDAS

#### Unidades de obra:

- 1 Collar de toma de fundición, incluso banda de aceiro inoxidable.
- M.I. tubo de P.E. de 16 Atm. de presión de traballo.
- 1 Chave de rexistro de cuadradillo, tipo GREINER ou similar
- 1 Arqueta de rexistro de fundición
- 4 Enlaces latón, tipo GREINER ou similar
- Apertura e peche de gavía a unha profundidade máxima de 1,2 m.
- Man de obra de realización do montaxe da acometida

#### Acometidas de 1 a 3 m.

Reposición	Diámetro da acometida				
	3/4"	1"	1,1/4"	1,1/2"	2"
Terra	280,46	298,49	338,24	494,72	616,33
Asfalto	353,73	371,75	411,49	567,99	689,59
Formigón	362,00	380,01	419,75	576,23	697,84
Beirarrúa/la	394,73	412,76	452,49	608,99	730,58

#### Acometidas de máis de 3 m. (€/m.

Reposición	Diámetro da acometida				
	3/4"	1"	1,1/4"	1,1/2"	2"
Terra	27,13	27,97	29,26	31,23	34,40
Asfalto	51,55	52,40	53,68	55,65	58,82
Formigón	54,29	55,15	56,44	58,41	61,58
Beirarrúa/la	65,20	66,07	67,34	69,31	72,38

### 2.2.- INSTALACIÓN DE CONTADORES:

Os contadores que se utilizan como medidores de caudal están autorizados polo Ministerio de Industria e Enerxía.

Cando o contador a instalar sexa dun diámetro superior a 30 mm. ou ben sexa preciso realizar reformas nas instalacións, presentará o peticionario un presuposto incluíndo man de obra e materiais a empregar.

<u>MATERIAL</u>	<u>Importe</u> <u>Contador</u>	<u>Importe</u> <u>Instalación</u>	<u>Importe</u> <u>Total</u>
Ud. contador diam. 13 mm	46,40 €	24,67 €	71,07 €
Ud. contador diam. 15 mm.	53,28 €	25,09 €	78,37 €
Ud. contador diam. 20 mm.	65,04 €	31,07 €	96,11 €
Ud. contador diam. 25 mm.	111,00 €	36,75 €	147,75 €
Ud. contador diam. 30 mm.	180,27 €	39,56 €	219,83 €

#### Tarifa doutros diámetros de contadores:

<u>MATERIAL</u>	<u>Importe</u> <u>Contador</u>
Ud. contador diam. 40 mm	279,56 €
Ud. contador diam. 50 mm.	611,73 €
Ud. contador diam. 65 mm.	756,97 €



Concello de  
**SOUTOMAIOR**  
PONTEVEDRA

Tanto a tarifa polo subministro de auga como os prezos de acometidas e contadores, veráanse incrementadas có IVE correspondente.

### 3. OUTRAS NORMAS ESPECIAIS DE XESTIÓN

A xestión e recadación desta Taxa corresponderá:

- A contemplada no apartado 1.2 ( cota de conexión), ao Concello de Soutomaior.
- As contempladas no apartado 1.1 (subministro de auga) constitúe a retribución da empresa concesionaria do servizo de abastecemento de auga , e será xestionada e recadada pola mesma nas condicións fixadas no prego de condicións , acordo de adxudicación e contrato da concesión.

**Aprobacion definitiva** 1 de Outubro de 1998

PUBLICACION NO B.O.P. NÚM.249 do 30 de Decembro de 1998

#### **Modificacións :**

- no B.O.P. núm. 20, do 31 xaneiro de 2000. E aprobada o 25 de Novembro de 1999 .
- no B.O.P. núm.11 do 16 de xaneiro de 2001, aprobada polo Pleno o 13 de Novembro de 2000.
- no B.O.P. núm.244 do 20 de decembro de 2002, aprobada polo Pleno o 7 de Outubro de 2002.
- no B.O.P. núm. 247 do 23 de decembro de 2003, aprobada polo Pleno o 30 de Outubro de 2003.
- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 o 9 de decembro de 2005 e núm. 245 23 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.
- no B.O.P. núm. 250 do 29 de decembro de 2008, aprobado polo Pleno o 7 de Novembro de 2008.
- no B.O.P. núm. 247 do 28 de decembro de 2010, aprobado polo Pleno o 5 de Novembro de 2010.
- no B.O.P. núm. 227, do 25 de novembro de 2011, aprobada polo Pleno o 29 de setembro de 2011.
- no B.O.P. num. 248, do 28 de decembro de 2012, aprobada polo Pleno o 07 de novembro de 2012.